

Lescha communal da taglia dalla vischnaunca da Falera

sebasond sin la lescha davart las taglias communalas e davart las taglias da baselgia dil cantun Grischun

I. Disposiziuns generalas

Art. 1

¹ La vischnaunca da Falera incassescha las suandontas taglias tenor las Object disposiziuns dil dretg cantunal:

- a) ina taglia sin las entradas e sin la facultad;
- b) ina taglia sin il gudogn tras la vendita da beins immobigliars;
- c) ina taglia supplementara ed ina taglia penala sco era multas disciplinaras;
- d) ina taglia sin midada da maun;
- e) ina taglia sin schischom.

² La vischnaunca da Falera incassescha las suandontas taglias tenor questa lescha:

- a) ina taglia sin la part d'ierta ed ina taglia sin donaziuns;

³ La vischnaunca da Falera incassescha plinavon las suandontas taglias tenor la legislaziun speciala:

- a) ina taxa da hosps;
- b) ina taxa turistica;
- c) ina taglia da tgauns.

Art. 2

Dretg subsidiar Aschinavon che questa lescha cuntegn neginas regulaziuns, vegnan applicadas las disposiziuns dalla lescha davart las taglias communalas e davart las taglias da baselgia sco era dalla lescha cantunala da taglia conform al senn.

II. Dretg material

1. TAGLIA SIN LAS ENTRADAS E SIN LA FACULTAD

Art. 3

Pei da taglia ¹ La taglia sin las entradas e sin la facultad vegn incassada en ina procentuala dalla taglia cantunala sempl.

² La radunonza communal fixescha il pli tard il december il pei da taglia per igl onn fiscal suandont.

2. TAGLIA SIN MIDADA DA MAUN

Art. 4

Tariffa da taglia La taglia sin midada da maun munta a 2 pertschien.

3. TAGLIA SIN SCHISCHOM

Art. 5

Tariffa da taglia ¹ La taglia sin schischom munta maximal 2 promil dalla valeta da taglia.

Il possessur per ils 31 da december ha da pagar la taglia per igl entir onn.

² La radunonza communal fixescha il pli tard il december il pei da taglia per igl onn fiscal suandont.

4. TAGLIA SIN LA PART D'IERTA E SIN DONAZIUNS

Art. 6

¹ Alla taglia sin la part d'ierta e sin donaziuns ei suttamess mintga augment da facultad che effectuescha la taglia cantunala sin il relasch respectivamein sin donaziuns. Object e fixaziun

² Las valurs da facultad ch'ei suttamessas alla taglia e la fixaziun dalla taglia sedrezzan tenor las prescripziuns dil dretg cantunal.

³ Sche la consignaziun consista d'ina gudida u d'ina prestaziun regulara, ei la valur capitalisada decisiva per la taxaziun.

Art. 7

Obligaus da pagar taglia ei il retschevider dalla consignaziun, sche Subject da taglia

- a) il testader respectivamein il donatur haveva domicil en la vischnaunca da Falera il mument da sia mort respectivamein il mument dil pagament dalla consignaziun; excepida ei quella part digl augment da facultad che consista da beins immobigliars ch'ei buca situai sin il territori communal;
- b) la consignaziun exista en beins immobigliars sin il territori communal u en dretgs reals vi da tals;
- c) el ha el mument dalla condescida da premis e donnaziuns d'honor dil cantun siu domicil ella vischnaunca da Falera.

Art. 8

Libers dalla taglia sin la part d'ierta e dalla taglia sin donaziuns ein: Liberaziun subjectiva da taglia

- a) il conjugal survivent;
- b) las partenarias registradas ed ils partenaris registrai;
- c) ils descendents, ils affons figliasters ed ils affons confidai sco era lur descendents;
- d) las personas ch'ei liberadas dalla taglia sin midada da maun tenor il dretg cantunal;

- e) ils partenaris da concubinats;
- f) ils geniturs.

Art. 9

Calculaziun dalla
taglia

¹ Per calcular la taglia vegnan deduci:

- a) dallas consignaziuns a persunas basignusas frs. 14'000.-;
- b) da mintga outra consignaziun frs. 7'000.-.

² Ils imports fixai en l'alineia 1 ein indexai.

³ En cass d'ina obligaziun parziala da pagar taglia vegnan las deducziuns concedidas proporziunalmein.

⁴ En cass da pliras consignaziuns al medem retschevider tras la medema persuna sa igl import liber da taglia vegnir pretendius mo ina gada enteifer ina perioda da tschun onns.

⁵ La taglia importa:

- a) per il tschep dils geniturs 2 pertschien ;
- b) per il tschep da tat e tatta 5 pertschien ;
- d) per las ulteriuras persunas favorisadas 20 pertschien.

Art. 10

Incassament e
responsabladad

¹ La taglia sin la part d'ierta sto vegnir pagada ord il relasch avon sia repartiziun e vegn incassada per tut ils artavels sco era per tut ils legataris en ina gada.

² Plirs retscheviders da consignaziuns stattan solidarmein buns per la taglia tochen agl import da lur augment da facultad.

³ Igl administratur dall'ierta che vegn numnaus officialmein u che vegn convocaus dils artavels ed igl exequider dil testament stattan buns solidarmein per la taglia tochen agl import dil relasch sco tal.

III. Dretg formal

1. AUTORITADS

Art. 11

La suprastonza communal decide:

Suprastonza
communala

- a) davart damondas da levgiament fiscal;
- b) davart la participaziun a cunvegnientschas da dretg reciproc dil cantun en fats da taglia sin l'ierta e sin donaziuns.

Art. 12

¹ L'execuziun da questa lescha ei caussa digl uffeci communal da taglia, aschinavon che la vischnaunca ei cumpetenta per quei.

Uffeci communal
da taglia

² Igl uffeci communal da taglia ei ultra da quei cumpetents per l'execuziun dallas incumbensas che la lescha cantunala da taglia ha surdau allas vischnauncas.

³ La vischnaunca sa delegar sias incumbensas tenor ils alineas 1 e 2 a tiazas persunas.

Art. 13

¹ La taglia sin las entradas e sin la facultad sco era la taglia sin schischom, che vegn incassada ensemen cun quella, vegnan taxadas tras l'allianza da taglia Laax.

Ulteriuras
autoritads

² La vischnaunca da Falera sa delegar a l'allianza da taglia Laax la taxaziun d'ulteriuras taglias, e quei encunter ina indemnizaziun.

2. INCASSAMENT

Art. 14

¹ Las taglias sin las entradas e sin la facultad scadan la fin digl onn fiscal.

Scadenza

² La scadenza dalla taglia sin schischom sedrezza tenor las taglias directas, sch'ella vegn incassada ensemen cun quellas.

³ La scadenza dalla taglia sin il gudogn tras la vendita da beins immobigliars sedrezza tenor il dretg cantunal.

⁴ Las ulteriuras taglias sco era las multas disciplinaras scadan cun la facturaziun.

⁵ Cun la finiziun dall'obligaziun da pagar taglia en Svizra u a caschun dalla declaraziun da concuors scada mintga taglia u mintga multa immediat.

Art. 15

Termin da pagament

¹ Las taglias e las multas disciplinaras ston vegnir pagadas – cun resalva da l'alineia 2 – enteifer 90 dis dapi che la scadenza ha entschiet.

² Il termin da scadenza dallla taglia sin il gudogn tras la vendita da beins immobigliars sedrezza tenor il dretg cantunal.

³ La taglia sin schischom che vegn incassada separadamein sto vegnir pagada enteifer 30 dis dapi che la scadenza ha entschiet.

⁴ Las taglias sin las entradas e sin la facultad provisoricas sco era la taglia sin immobigliars che vegn incassada ensemen cun quellas ein da pagar mintgamai sin ils 30 da zercladur.

⁵ Cun la finiziun dall'obligaziun da pagar taglia en Svizra u a caschun dalla declaraziun da concuors sto mintga taglia u mintga multa vegnir pagada immediat.

Art. 16

Relasch da taglia

Davart las damondas da relasch e davart las amortisaziuns administrativas decidan:

- a) igl uffeci communal da taglia tochen agl import da 1'000.00 francs per onn e cass;
- b) la suprastanza communal per ils imports che survargan quella summa.

3. INDEMNISAZIUN

Art. 17

La vischnaunca da Falera vegn indemnisada dallas baselgias cantunalas e dallas pleivs cun 2 pertschien dallas taglias ch'ein vegnidas incassadas.

IV. Disposiziuns finalas

Art. 18

¹ Questa lescha ei vegnida acceptada ils 25 d'avrel 2008 dalla radunonza communal. Entrada en vigur
communal. Ella entra en vigur igl 1. da schaner 2009.

² Cun l'entrada en vigur da questa lescha ein abrogadas tuttas disposiziuns
d'alters relaschs che stattan en cuntradicziun cun ella.

La presidenta communal

Il scarvon

Silvia Casutt-Derungs

Adrian Vincenz

Approbau dalla regenza tenor il conclus dils 3-6-2008 nr. 692.

En num dalla regenza

Il president

Il cancelier

St. Engler

Dr. C. Riesen

La cumplettaziun digl artechel 7 c) ei vegnida approvada dalla radunonza
communal digl 1. d'october 2013. Ella va en vigur pigl 1. da november
2013.

Il president communal

Il scarvon

Wendelin Casutt-Cathomen

Adrian Vincenz

Approbau dalla regenza tenor il conclus dils 12-11-2013 nr. 1074.

En num dalla regenza

Il president

H. Trachsel

Il cancelier

Dr. C. Riesen

Las adattaziuns digl artechel 1 alinea 3 a+b ed artechel 13 alinea 1+2 ein vegni approbadas dalla raunonza communal dils 8 da matg 2015. Ellas van en vigur retroactiv pigl 1. da schaner 2015.

Il president communal

Wendelin Casutt-Cathomen

Il scarvon

Adrian Vincenz

Approbau dalla regenza tenor il conclus dils 9-6-2015, nr. 531.

En num dalla regenza

Il president

M. Jäger

Il cancelier

Dr. C. Riesen